



TRIJATLON I PENTATLON SAVEZ BOSNE I HERCEGOVINE  
ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ  
TRIATHLON AND PENTATHLON FEDERATION OF BOSNIA AND HERZEGOVINA

Na osnovu člana 23. Zakona o sportu u BiH i člana 8. Statuta TPSBiH, Upravni odbor TPSBiH je dana 24.1.2023. godine donio:

**PRAVILNIK**  
**O REPREZENTACIJAMA TPSBiH**

**Član 1.**

Ovim Pravilnikom o reprezentacijama TPSBiH (u daljem tekstu: Pravilnik) regulišu se pitanja, zadaci i obaveze rada triatlon reprezentacija Bosne i Hercegovine svih uzrasta i kategorija, selektora-trenera i direktora reprezentacija, načina finansiranja, međusobnih odnosa, te druga pitanja koja su od interesa za rad sa reprezentacijama.

**Član 2.**

Član državne triatlon reprezentacije Bosne i Hercegovine (u daljem tekstu: reprezentacija) može biti takmičar-takmičarka državljanin BiH, koji postignutim rezultatima, svojom formom i sveukupnim ponašanjem zaslužuje da reprezentuje triatlon sport i državu Bosnu i Hercegovinu.

Triatlon reprezentaciju BiH čine:

- triatlon reprezentacija
- multisport reprezentacija
- reprezentacija takmičara po starosnim skupinama

**Član 3.**

Izbor, učešće i nastup za državnu triatlon reprezentaciju Bosne i Hercegovine je najveća čast, dužnost i obaveza svakog takmičara-takmičarke, trenera, sudije i sportskih radnika Saveza.

Izabrani takmičari-takmičarke, treneri, direktori i drugi članovi državne reprezentacije su dužni da, uz maksimalno zalaganje na takmičarskom planu i u svim drugim aktivnostima dostojno predstavljaju svoju državu.

**Član 4.**

Pod nastupom za državnu triatlon reprezentaciju podrazumijevaju se nastupi u sastavu državne reprezentacije na međunarodnim takmičenjima.



Marka Marulića 2/5, 71000 Sarajevo, Bosnia and Herzegovina

email: [tpsbi@gmail.com](mailto:tpsbi@gmail.com) web: <https://tpsbi.ba/>

📍 [@tpsbi](https://www.facebook.com/tpsbi) <https://www.facebook.com/tpsbi> <https://www.linkedin.com/company/tpsbi/>





**TRIJATLON I PENTATLON SAVEZ BOSNE I HERCEGOVINE**  
**ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ**  
**TRIATHLON AND PENTATHLON FEDERATION OF BOSNIA AND HERZEGOVINA**

---

Triatlon reprezentacija BiH bira se na osnovu kriterija koje predlaže selektor, a donosi UO TPSBiH. Širi i užu spisak reprezentativaca se javno objavljuje.

Starosne granice su definisane Takmičarskim pravilnikom TPSBiH, odnosno World Triathlon Rules.

### **Član 5.**

Savez u cilju nastupa na međunarodnim takmičenjima formira reprezentacije u skladu sa pravilima i zahtjevima World Triathlon.

### **Član 6.**

Svaka selekcija ima: takmičare-takmičarke, selektora-trenera i direktora. Osim ovih lica, za rad sa reprezentacijom mogu se angažovati i druga stručna lica (ljekari, treneri za određenu oblast i dr.)

### **Član 7.**

Selektora-trenera i direktora reprezentacije, imenuje Upravni odbor saveza, na osnovu prijave na konkurs. Imenovanja se vrše na period od četiri godine. Uslove konkursa utvrđuje Upravni odbor Saveza posebnom odlukom.

Upravni odbor imenuje selektora-trenera i direktora za slijedeće reprezentativne selekcije

- Triatlon reprezentacija BiH
- Multisport reprezentacija BiH
- Reprezentacija po starosnim skupinama BiH.

Upravni odbor TPSBiH može formirati i druge selekcije i organizovati nastupe istim.

Izuzetno, ukoliko se i na ponovljeni konkurs ne javi dovoljno zainteresovanih ili stručnih kandidata, Upravni odbor može odlučiti da jedno lice, uz njegovu prethodnu saglasnost, zaduži za vođenje više selekcija, s tim što se konkurs mora ponavljati svakih šest mjeseci, do izbora drugog kandidata. Ovako imenovano lice ima status vršioca dužnosti.

Izborom za selektora-trenera i direktora reprezentacije, izabrana lica ne zasnivaju radni odnos sa TPSBiH.

### **Član 8.**

Selektor-trener je dužan da, odmah nakon izbora, sačini program rada sa reprezentacijom za naredni četverogodišnji period (olimpijski ciklus) i isti dostavi Upravnom odboru na usvajanje



Marka Marulića 2/5, 71000 Sarajevo, Bosnia and Herzegovina

email: [tpsbih@gmail.com](mailto:tpsbih@gmail.com) web: <https://tpsbih.ba/>

@tpsbih <https://www.facebook.com/tpsbih> <https://www.linkedin.com/company/tpsbih/>





**TRIJATLON I PENTATLON SAVEZ BOSNE I HERCEGOVINE**  
**ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ**  
**TRIATHLON AND PENTATHLON FEDERATION OF BOSNIA AND HERZEGOVINA**

---

i direktoru reprezentacije radi upoznavanja. Programom rada sa reprezentacijom naročito se predviđa kalendar aktivnosti, način rada i praćenja reprezentativaca u matičnim klubovima, vrijeme održavanja i program rada na pripremama, te druge aktivnosti u vezi sa radom reprezentativaca. Kalendar aktivnosti reprezentacije mora biti usaglašen sa kalendarom aktivnosti saveza.

U izuzetnim slučajevima, uz prethodnu saglasnost Upravnog odbora usvojeni kalendar aktivnosti se može promjeniti.

### **Član 9.**

Selektor-trener je obavezan da neposredno rukovodi pripremama i nastupom reprezentacije. U sklopu svojih obaveza selektor-trener je dužan naročito da:

- sačini program rada za četvorogodišnji period, te plan rada za narednu takmičarsku godinu;
- samostalno vrši izbor takmičara-takmičarki za reprezentaciju u širem sastavu, na osnovu rezultata, uvida u formu takmičara i drugih uslova.
- ukoliko postoji potreba, u saradnji sa trenerima iz matičnih klubova, za izabrane takmičare-takmičarke izrađuje poseban program rada u cilju poboljšanja forme i otklanjanja uočenih nedostaka kod pojedinaca;
- prati rad i rezultate reprezentativaca u toku godine, te vrši korekcije programa njihovog rada;
- na osnovu postignutih rezultata, ispoljene forme na pripremama i drugih uslova, vrši izbor reprezentativaca za nastup na takmičenju;
- sačinjava detaljne programe rada reprezentativaca za pripreme;
- vodi treninge reprezentativaca u toku priprema;
- u saradnji sa direktorom reprezentacije realizuje odobreni program rada reprezentacije;
- odlučuje o angažovanju i drugih stručnih lica za rad sa reprezentativcima;
- predlaže direktoru reprezentacije preduzimanje disciplinskih mjera protiv članova reprezentacije;
- obavlja i druge poslove u vezi stručnog rada sa reprezentacijom;
- selektor-trener nije ovlašten da bez saglasnosti direktora reprezentacije preuzima finansijske obaveze;
- selektor trener je dužan da nakon svakog okupljanja reprezentacije (priprema ili takmičenja) Upravnom odboru podnese izvještaj, o radu i postignutim rezultatima;
- selektor-trener i druga stručna lica imaju pravo na naknadu za stručni rad. Isplatu na prijedlog direktora reprezentacije odobrava Predsjednik Saveza. Isplata se vrši iz sredstava reprezentacije u skladu sa normativnim aktima Saveza i odlukama Upravnog odbora;
- selektor-trener reprezentacije je za svoj rad odgovoran Upravnom odboru Saveza.





**TRIJATLON I PENTATLON SAVEZ BOSNE I HERCEGOVINE**  
**ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ**  
**TRIATHLON AND PENTATHLON FEDERATION OF BOSNIA AND HERZEGOVINA**

---

### **Član 10.**

Direktor reprezentacije neposredno rukovodi organizacionim poslovima reprezentacije, u kom smislu obavlja naročito slijedeće:

- na osnovu usvojenog programa rada reprezentacije sačinjava svoj program rada;
- obezbjeđuje uslove rada reprezentacije;
- obezbjeđuje izvore finansiranja u cilju provođenja programa;
- zastupa i predstavlja reprezentaciju;
- obavlja sve propagandne i marketing aktivnosti za reprezentaciju;
- zaključuje sponzorske i donatorske ugovore (za obaveze Saveza koje proističu iz ugovora, obavezan je pribaviti pismenu saglasnost nadležnog organa Saveza);
- u saradnji sa gen. sekretarom Saveza organizuje putovanja reprezentacije;
- u dogovoru sa selektorom-trenerom predlaže učešće reprezentacije na revijalnim takmičenjima u zemlji i inostranstvu;
- u skladu sa usvojenim programom rada odlučuje o utrošku prikupljenih sredstava;
- na prijedlog selektora-trenera odlučuje o mjestu održavanja priprema;
- na prijedlog selektora-trenera odlučuje o angažovanju drugih stručnih lica za pomoć u radu sa reprezentacijom, ukoliko se time stvaraju finansijske obaveze;
- na prijedlog selektora-trenera donosi odluku o preduzimanju disciplinskih mjera prema reprezentativcima;
- obavlja i druge poslove vezano za reprezentaciju, u skladu sa aktima Saveza.

### **Član 11.**

Klubovi iz kojih su kandidati za reprezentaciju moraju selektoru omogućiti njihovo učešće u svim fazama pripreme i nastupima reprezentacije.

### **Član 12.**

Rad reprezentacije se finansira iz prikupljenih sredstava od grantova državnih organa, sponzorstva, donacija, i drugih izvora finansiranja.

Sredstva koja se prikupe za određenu reprezentaciju mogu se koristiti isključivo za potrebe te reprezentacije.

### **Član 13.**

Finansijska sredstva prikupljena za rad reprezentacije, po svim osnovama, uplaćuju se na jedinstveni račun TPSBiH, sa naznakom da se radi o uplati za određenu reprezentaciju.

Sve vrste isplata iz sredstava reprezentacija na prijedlog direktora odobrava predsjednik TPSBiH.





**TRIATLON I PENTATLON SAVEZ BOSNE I HERCEGOVINE**  
**ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ**  
**TRIATHLON AND PENTATHLON FEDERATION OF BOSNIA AND HERZEGOVINA**

---

**Član 14.**

Iz sredstava prikupljenih za reprezentaciju podmiruju se svi troškovi reprezentacije, a naročito troškovi priprema, putovanja i boravka na takmičenjima, nabavke opreme i sl.

Direktor reprezentacije može donijeti odluku da dio sredstava usmjeri za rad drugih reprezentacija.

**Član 15.**

Direktor reprezentacije je dužan da, nakon svakog takmičenja reprezentacije, podnese detaljan pisani izvještaj Upravnom odboru o radu, rezultatima takmičenja i finansijskim pokazateljima.

**Član 16.**

Za svoj rad direktor reprezentacije je odgovoran Upravnom odboru Saveza.

**Član 17.**

Selektor-trener i direktor reprezentacije mogu biti razriješeni i prije isteka roka na koji su imenovani, na svoj zahtjev ili zbog smjenjivanja, na zahtjev entitetskih triatlon saveza ili Upravnog odbora. Zahtjev za smjenjivanje mora biti pismeno obrazložen i dokumentovan.

Uz podnošenje zahtjeva za razrješenje, selektor-trener, odnosno direktor reprezentacije, dužni su dostaviti i izvještaj o svom radu do trenutka podnošenja zahtjeva.

Selektor-trener, odnosno direktor moraju biti pozvani na sjednicu Upravnog odbora na kojoj se razmatra prijedlog za njihovo smjenjivanje.

Opravdanost razloga za smjenjivanje cijeni Upravni odbor koji i donosi konačnu odluku.

**Član 18.**

Nakon podnošenja zahtjeva za razrješenje (ostavke) selektor-trener, odnosno direktor reprezentacije, dužni su obavljati te funkcije još tri mjeseca, u kom periodu se mora provesti postupak imenovanja novih lica.

U izuzetnim slučajevima, Upravni odbor Saveza može odlučiti da prihvati zahtjev za razrješenje bez obaveze obavljanja te dužnosti, u kom slučaju se odmah imenuje vršilac dužnosti.

U slučaju da Upravni odbor prihvati prijedlog za smjenjivanje, na istoj sjednici se donosi odluka o imenovanju vršioca dužnosti i odluka o raspisivanju konkursa za imenovanje.





**TRIAKLON I PENTATLON SAVEZ BOSNE I HERCEGOVINE**  
**ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ**  
**TRIATHLON AND PENTATHLON FEDERATION OF BOSNIA AND HERZEGOVINA**

---

**Član 19.**

Smjenjeni selektor-trener, odnosno direktor reprezentacije ne može biti ponovo imenovan na tu funkciju najmanje dvije godine od dana smjenjivanja.

**Član 20.**

TPSBiH će prema mogućnostima osigurati članovima reprezentativnih selekcija adekvatnu opremu koja obavezno uključuje dres za nastupe na takmičenju, a po mogućnosti i ostalu prateću opremu sa službenim oznakama BiH i TPSBiH.

Članovi reprezentativnih selekcija imaju pravo i obavezu pojavljivanja u službenoj opremi reprezentacije na svim inostranim nastupima i službenim protokolima (prijava, trening, brifing, dan takmičenja, dodjela medalja i td.) tokom čitavog reprezentativnog nastupa i, po pozivu, tokom javnih medijskih nastupa u zemlji i inozemstvu.

Članovi reprezentativnih selekcija nemaju pravo koristiti reprezentativnu opremu na domaćim takmičenjima koja nisu međunarodnog karaktera.

Reprezentativac može potpisati individualni sponzorski ugovor i imati logotip na službenoj opremi reprezentacije isključivo uz prethodno pismeno odobrenje UO TPSBiH.

Za takmičenja najvišeg ranga (OI, SI, EI, MI), službena oprema dodatno je definisana posebnim pravilima takmičenja koje donosi svjetska ili europska triatlon federacija.

**Član 21.**

Svaka reprezentativna selekcija (reprezentacija), po mogućnosti, može imati liječnika i fizioterapeuta, kojeg imenuje UO TPSBiH.

**Član 22.**

Članovima reprezentacije na pripremama i takmičenjima isplaćivati će se naknade u skladu sa odlukom UO TPSBiH.

Članovi reprezentacije, u skladu sa ranije određenom statusu, mogu imati pravo na potpuno ili djelomično plaćanje troškova smještaja, prehrane, prijevoza, kotizacije i hitne medicinske pomoći prilikom reprezentativnih nastupa.

**Član 23.**

Svi takmičari koji nastupaju na takmičenjima u inostranstvu u utrkama i disciplinama propisanim pravilima World Triathlon moraju imati važeću licencu TPSBiH.





TRIJATLON I PENTATLON SAVEZ BOSNE I HERCEGOVINE  
ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ  
TRIATHLON AND PENTATHLON FEDERATION OF BOSNIA AND HERZEGOVINA

---

**Član 24.**

Upravni odbor Saveza može posebnim odlukama potpunije regulisati neka od pitanja koja su regulisana ovim Pravilnikom, s tim što te odluke ne mogu imati retroaktivno važenje. Donošenjem ovakvih odluka smatra se da su izvršene izmjene i dopune Pravilnika.

Za sve što nije definisano ovim Pravilnikom primjenjuju se normativna akta Saveza ili se definiše odlukama Upravnog odbora.

**Član 25.**

Ovaj Pravilnik stupa na snagu danom donošenja.

Broj: 1-003/23

Sarajevo: 24.1.2023.g.

**PREDSJEDNIK SAVEZA**

---

**dr. Nehru Mačkić**



Marka Marulića 2/5, 71000 Sarajevo, Bosnia and Herzegovina

email: [tpsbi@gmail.com](mailto:tpsbi@gmail.com) web: <https://tpsbi.ba/>

© [@tpsbi](https://www.facebook.com/tpsbi) <https://www.facebook.com/tpsbi> <https://www.linkedin.com/company/tpsbi/>

